

中國地方志集成

寧夏府縣志輯 ⑨

宣統
綏
河
城
志

宣統
新修
固
原
直
隸
州
志
(二)

鳳凰出版社 ● 上海書店 ● 巴蜀書社

新修固原直隸州志

人物志三

孝子凡已請旌表及未請者均備錄之

南北朝

梁彥光字脩芝烏氏人少有至性七歲時父疾篤醫云須紫石英治之彥光徧求弗得憂戚倍形於色忽至田畔拾得一物持歸以示醫醫曰即紫石英也投諸藥果瘳人稱爲孝感所致云

隋朝

田德懋高平人仁恭次子也以孝聞開皇初父歿哀毀骨

立廬於墓側以手掬土成墳隋帝聞而嘉之賜絹二百匹
米五百石旌獎其門

明朝

胥恭固原衛人父亡哭泣出血勺水不入口者七日母
呂氏年已七十邁宿疾衆醫弗敢治藥餌莫效恭齋沐籲
天乞以身代割股肉和藥飲之果愈氏齒更生髮轉黑至
八十七而卒時人稱重旌揚之

國朝

馬從龍

另見人物

九歲喪父事母尤孝母病衣不解帶臥榻側

藥必親嘗而後進及歿廬墓三年諸幼弟及姪均教之成

立讓產共爨非公事不入官署雍正中里人早請

旌表列鄉賢祠祀之

張伏璽鹽茶廳人乾隆十四年其父孔正病篤璽侍臥榻目不交睫者三月醫士皆束手忽禱於神示以當食雞肉家貧無以供乃忽悟曰璽西相也遂詣竈前執刀割左臂肉一片長五寸炊而進之果痊里人具狀請

旌表如例廳丞朱亨衍額其門曰純孝格天

馬

成

另見人物

字德齋父自善早年從軍雙目侵寒風致於

盲嗣成官漣關迎養於廨朝夕以舌吮之並禱神藥年餘自善目復明光采爛爛僉稱純孝

姬九疇居姬家陽塚附生發周祖也咸豐初其父卒迺築
茅椽止墓側足不及家將三載其妻具食往視九疇棄所
食直叱之曰若婦不敬由是仍廬墓者三年計先後六載
里人呈請

旌表列孝子祠以祀

韓希天廩生居五營幼喪父其母邱氏撫之成立事母至
孝以舌耕供甘旨同治元年回亂賊擄村人盡殺之及獲
希天賊酋大呼曰此韓孝子不可殺也遂負母而遁其孝
行感人如此三年城陷母子同殉悲哉

陳士學附生居唐家灣咸豐時人訓蒙爲業事繼母至孝

己輒忍饑而菽水無闕同治初獬亂賊酋戒於衆曰此地有陳先生者孝子也不可犯其廬旋病卒酋爲厚殮如禮年六十二積孝所感弗可及已

祁仲賢居本城米糧市街光緒中其繼母韓氏病危百藥弗痊仲賢憂之鄰人戲語曰汝母病當食汝肉卽起仲賢歸焚香禱神自割左臂肉三寸許和藥進之果瘳時人稱頌弗衰

吳居忠居蒲條川賦性至孝其父母歿繪遺像二軸朝夕供饌如定省禮同治回亂村人多挾貲財以逃居忠惟負像奔於陝中途遇賊欲奪所負居忠以實對曰此父母像

也賊奇而釋之後舉耆賓

劉占川家盤路坡同治三年回亂占川負其孀母宋氏避難奔走宋氏曰我已老憊死無足惜汝力乏其棄我以去尙可存宗祀也占川抱母泣賊忽至將殺其母占川哀號求以身代泣出血盈盥有老酋奇其狀併釋之遂逃至鄜州乞食供母養後歸籍務農事葬如禮

景元吉馬家河人家有老母素以孝聞同治初回亂元吉負母以行中途遇賊左臂被砍骨損口不呼痛猶負母至平涼乞食侍養而以草根自飽亂既平奉母歸務農起家後其母得壽七十有七而元吉孺慕依依尤極誠篤鄉里

頌之額其門曰慈孝兼優

節烈 凡已請 旌表及未請者均備錄之

漢朝

皇甫規妻軼其氏善屬文能草書時爲規答札記及規亡
董卓艷其美欲聘焉氏乃詣卓門痛罵情詞酸愴卓使羣
奴拔刀圍之更厲色曰羌戎之種毒害天下猶未足耶皇
甫奕世清德爲漢忠臣今敢欲行非禮耶卓乃懸其頭於
車輓遂死車下後人圖其像號曰禮宗云

明朝

趙氏馮宣妻年二十三而寡家貧育幼子銘鎮成立壽八

十四有司表揚之

楊氏彭玨妻年二十四而寡家貧誓死自守壽七十七旌表攸嘉

夏氏黃淮妻年二十四生子未週月淮亡夏撫遺子養舅姑姑氏憫煢弱欲嫁之夏以死自誓爲女工以給養壽七十三旌爲貞壽之門

王氏梁輔妻年二十三輔亡有三子在襁褓備厯艱苦勤女工以養姑育子凡五十餘年鄉人重之壽八十三有司旌其門

葉氏生員趙欽妻年二十五欽卒遺二子廷璋廷瑚甫三

歲葉撫摩劬育備諸艱辛雖親戚邀請亦不往瑚爲學弟子員壽六十二旌揚之

郭氏百戶長陳琮妻琮戰沒郭年二十四撫孤源嗣官壽八十三旌表其門

白氏生員翟元妻年二十五元亡貧苦撫遺孤棟楷均成立壽六十三鄉里稱賢旌之

張氏生員徐效妻效死張年二十七鞠育二子咸成立壽八十有四有司旌表

溫氏李子友妻子友歿溫慷慨以殉時年二十四旌表如例

李氏景可樂妻可樂以疾卒李哀傷死旌之

趙氏單養棟妾也養棟死趙方十九歲殉柩前有司表揚
徐氏受應襲韓杞聘未合齏而杞殤徐聞之潛自經死有
司表揚

唐氏指揮蕭濂妻濂死時子韶成幼孤唐撫之成立以才
勇官甯夏遇倭劉之變全家被羈唐教子以忠堅不從逆
事平嘉其女中丈夫顏其門

國朝

柴氏王弘綱妻年二十二夫亡撫孤守節歲遇荒歉日不
舉火以死自守守節三十一年孝養翁姑撫孤成立康熙

初具題

旌表如例

尙氏趙國甯妻夫亡氏年二十八孝事翁姑後相繼逝喪葬盡禮撫子成立壽九十三歲康熙中具題

旌表如例

李氏馬志啟妻啟故氏年二十二欲自絕念翁姑在堂堅志毀形守節雍正三年具題

旌表如例

馬氏孫世祿妻康熙初世祿從征湖南茅麓山匪殉難氏守節撫孤子繼宗以武功顯官甘肅提督雍正五年

旌表如例

段氏軼其夫名夫嘗讀書於外塾有狂者窺氏姿艷猝入其室誘之氏不從狂者棍毆殞命投屍井中事發將狂者置諸法而有司嘉氏慘烈具情以請雍正九年具題

旌表如例

薊氏齊芝瑞妻家紅城堡康熙中夫亡氏年三十守志不渝計五十四載卒於乾隆壬申壽八十四請

旌表焉先是辛未歲恭逢

萬壽慶典蒙

恩賜粟帛酒肉如例

錢氏別景彝妻居別家莊康熙中夫亡氏年二十四事姑以孝家貧子可池姪可錦可澶均幼力撫之悉稱成立雍正甲寅卒乾隆初

旌表賜額曰孝義貞節

滿氏二品廕生黎守忠之母也家大營川康熙四十一年夫亡氏年十八教子成名堅苦自勵乾隆二十年卒壽七十一計守節五十三載早請

旌表如例

柳氏生員楊嘉珮妻康熙間珮疾篤氏以死許及卒悲泣三日潛自縊年未滿二十洵可風已

吳氏黎天祿妻夫亡氏年二十六持刀自刎官立石表之
曰白刃明心殺身成仁或云康熙時人

王氏守備文理妻文理於雍正七年出征巴里坤在營病
故氏聞訃悲號投繯自盡

高氏庠生賈世繪母乾隆初夫亡氏年二十繪尙襁褓撫
之成立守節十九年鄉里爲銘其墓得請

旌表如例

夏氏祁貴有妻居祁家堡乾隆丁未夫亡氏年二十四孝
事翁姑撫嗣子秀如己出門祚再興守節六十三載道光
庚戌卒壽八十七秀亦登大耋里人稱爲貞德之門

楊氏庠生唐銳妻居唐家堡乾隆中夫亡氏年四十事翁姑濟貧乏以孝慈稱守節四十三載卒於道光乙酉壽八十三子紹鼎入州庠氏教誨力也請旌表如例

趙陳氏家於北鄉趙家寺其墓碑存闕有差夫與子俱無考惟誠其生於乾隆卒於嘉慶庚午家貧居孀時上有翁姑下有孩提操勞數十載子孫入庠皇恩旌表數語以是知氏之貞孝洵可貴也

張氏包元貞母嘉慶初夫亡子幼氏年二十堅心耐苦門祚復興守節二十六載道光三年